

ხოზის მუნიციპალიტეტის მეოთხე მოწვევის საკრებულოს ბიუროს სხდომისა

ქ. ხობი

2021 წლის 31 აგვისტო

ბიუროს წევრთა კანონით დადგენილი რაოდენობა - 12

ბიუროს უფლებამოსილ წევრთა რაოდენობა - 9

ბიუროს სხდომას ესწრებოდნენ ბიუროს წევრები:

1. მამუკა ქარდავა
2. ტარიელ ალექსანდრია
3. ვლადიმერ ქანთარია
4. თემურ გულუა
5. მერაბ ფილიპია
6. ბექა მამაცაშვილი
7. კახა ლატარია

ბიუროს სხდომას თავმჯდომარეობდა მამუკა ქარდავა – საკრებულოს თავმჯდომარის მოვალეობის შემსრულებელი

დღის წესრიგი:

1. ხობის მუნიციპალიტეტის მერის მოვალეობის შემსრულებლის მ. ჩოკორაიას 2021 წლის 23 აგვისტოს N50-502123581 წერილის განხილვა („ხოზის მუნიციპალიტეტის მერიაში დამხმარე ამოცანების შესასრულებლად შრომითი ხელშეკრულებით დასაქმებულ პირთა რიცხოვნობის შეზღუდვიდან გამონაკლისის დაშვებაზე ხობის მუნიციპალიტეტის მერისთვის თანხმობის მიცემის შესახებ“ განკარგულების პროექტის თაობაზე);

(მომხსენებელი: დ. ბერაია - ხობის მუნიციპალიტეტის საკრებულოს იურიდიულ საკითხთა კომისიის თავმჯდომარე);

2. ხობის მუნიციპალიტეტის მერის გ. ქაჯაიას 2021 წლის 27 აგვისტოს N50-502123921 წერილის განხილვა („ხოზის მუნიციპალიტეტის ადმინისტრაციულ ერთეულებად დაყოფის შესახებ“ ხობის მუნიციპალიტეტის საკრებულოს 2014 წლის 28 ივლისის №26 დადგენილებაში ცვლილების შეტანის თაობაზე“ დადგენილების პროექტის შესახებ)

(მომხსენებელი: დ. ბერაია - ხობის მუნიციპალიტეტის საკრებულოს იურიდიულ საკითხთა კომისიის თავმჯდომარე)

კენჭი ეყარა დღის წესრიგის წარმოდგენილ ვარიანტს

კენჭისყრის შედეგები:

მომხრე - 7, წინააღმდეგი - არც ერთი

დაადგინეს: დღის წესრიგი დამტკიცდეს წარმოდგენილი სახით

დღის წესრიგით წარმოდგენილი საკითხების განხილვის დაწყებამდე სხდომის თავმჯდომარემ განაცხადა, რომ სხდომას ვერ ესწრებიდა საკრებულოს იურიდიულ საკითხთა კომისიის თავმჯდომარე (დ. ბერაია) და დღის წესრიგით წარმოდგენილ ორივე საკითხს წარმოადგენდა ამავე კომისიის წევრი, საკრებულოს ფრაქცია „ერთიანი ნაციონალური მოძრაობის“ თავმჯდომარე თემური გულუა.

დღის წესრიგით გათვალისწინებულ საკითხების განხილვა

1. ხობის მუნიციპალიტეტის მერის მოვალეობის შემსრულებლის მ. ჩოკორაიას 2021 წლის 23 აგვისტოს N50-502123581 წერილის განხილვა („ხობის მუნიციპალიტეტის მერიაში დამხმარე ამოცანების შესასრულებლად შრომითი ხელშეკრულებით დასაქმებულ პირთა რიცხოვნობის შეზღუდვიდან გამონაკლისის დაშვებაზე ხობის მუნიციპალიტეტის მერისთვის თანხმობის მიცემის შესახებ“ განკარგულების პროექტის თაობაზე)

(მომხსენებელი: თ. გულუა - ხობის მუნიციპალიტეტის საკრებულოს იურიდიულ საკითხთა კომისიის წევრი)

მოისმინეს: თ. გულუა - საკრებულოს იურიდიულ საკითხთა კომისიის წევრი - მომხსენებელმა ბიუროს წევრებს გააცნო განკარგულების პროექტი („ხობის მუნიციპალიტეტის მერიაში დამხმარე ამოცანების შესასრულებლად შრომითი ხელშეკრულებით დასაქმებულ პირთა რიცხოვნობის შეზღუდვიდან გამონაკლისის დაშვებაზე ხობის მუნიციპალიტეტის მერისთვის თანხმობის მიცემის შესახებ“ და საკრებულოს იურიდიულ საკითხთა კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ უკანასკნელ პერიოდში, ხობის მუნიციპალიტეტის მერიაში მკვეთრად იმატა კომპიუტერული ტექნიკის მომსახურებისა და ზოგადად, ტექნიკური აღჭურვისთვის აუცილებელმა სამუშაოებმა, კერძოდ: მიმდინარე წელს შესყიდული კომპიუტერული ტექნიკის მარაგნაწილებით სრულად შეკეთდა მერიის სამსახურებში არსებული, მწყობრიდან გამოსული ან დაბალი მონაცემების კომპიუტერები. ასევე შეკეთდა ადმინისტრაციულ სამსახურში დროთა განმავლობაში დასაწყობებული შესაკეთებელი კომპიუტერები და გადაეცა ადმინისტრაციულ ერთეულებში მერის წარმომადგენლებს. ამჟამად ხორციელდება ადმინისტრაციულ ერთეულებში არსებული კომპიუტერების აღდგენა, განახლება, ახალი პროგრამული უზრუნველყოფა და ელექტრონული დოკუმენტბრუნვისთვის მომზადება. უახლოესი პერიოდისთვის დაგეგმილია დამატებით 21 კომპიუტერის და

მრავალფუნქციური პრინტერების შესყიდვა და მუნიციპალიტეტის ადმინისტრაციულ ერთეულებში დასაქმებულთა სრული კომპიუტერული უზრუნველყოფა. მიმდინარე საქმიანობა სრულად ხორციელდება საინფორმაციო ტექნოლოგიებით მომსახურების საკითხებში შრომითი ხელშეკრულებით დასაქმებული 1 პირის მიერ, რაც თავისთავად შრომატევად საქმიანობას მოიცავს, ხოლო უახლოესი პერიოდისთვის მერიის სამსახურებსა და ადმინისტრაციულ ერთეულებში განთავსებული 140-ზე მეტი კომპიუტერისა და პერიფერიული მოწყობილობების (პრინტერები, სკანერები, ვებ-კამერები და სხვა) სრულყოფილად მართვა შეუძლებელი იქნება 1 მოსამსახურის მეშვეობით. ზემოთ აღწერილი გარემოებების გათვალისწინებით, ხობის მუნიციპალიტეტის მერიაში მიზანშეწონილად იქნა მიჩნეული, დამატებით იქნეს გათვალისწინებული 1 პოზიცია შრომითი ხელშეკრულებით, შესაბამისი სპეციალისტის მოსაწვევად. „საჯარო დაწესებულებაში შრომის ანაზღაურების შესახებ“ საქართველოს კანონის 29-ე მუხლის მე-3 და მე-4 პუნქტების შესაბამისად: „საჯარო დაწესებულებაში „საჯარო სამსახურის შესახებ“ საქართველოს კანონის საფუძველზე დამხმარე ამოცანების შესრულების მიზნით მიღებულ შრომითი ხელშეკრულებით დასაქმებულ საჯარო მოსამსახურეთა რიცხოვნობა არ უნდა აღემატებოდეს საჯარო დაწესებულების მთლიანი საშტატო რიცხოვნობის 5%-ს... დადგენილი შეზღუდვიდან გამონაკლისის დაშვების წესი, აგრეთვე საჯარო დაწესებულებაში არამუდმივი ამოცანების შესრულების მიზნით მიღებულ შრომითი ხელშეკრულებით დასაქმებულ პირთა ზღვრული რაოდენობა განისაზღვრება საქართველოს შესაბამისი წლის სახელმწიფო ბიუჯეტის შესახებ კანონით და საქართველოს სხვა საკანონმდებლო და კანონქვემდებარე ნორმატიული აქტებით.“. „საქართველოს 2021 წლის სახელმწიფო ბიუჯეტის შესახებ“ საქართველოს კანონის 25-ე მუხლის მე-2 პუნქტის შესაბამისად: „შრომითი ხელშეკრულებით დასაქმებულ პირთა რიცხოვნობის შეზღუდვიდან გამონაკლისი საქართველოს სახელმწიფო ბიუჯეტის დაფინანსებაზე მყოფ საჯარო დაწესებულებებში დაიშვება საქართველოს მთავრობასთან შეთანხმებით, მუნიციპალიტეტების (გარდა ქალაქ თბილისის მუნიციპალიტეტისა) შემთხვევაში – შესაბამისი მუნიციპალიტეტის საკრებულოსთან შეთანხმებით, ხოლო ქალაქ თბილისის მუნიციპალიტეტისა და აფხაზეთისა და აჭარის ავტონომიური რესპუბლიკების საჯარო დაწესებულებებში – შესაბამის ადმინისტრაციულ ხელისუფლების ორგანოსთან შეთანხმებით.“. ვინაიდან საქართველოს კანონმდებლობით დადგენილი ზღვრული ოდენობის შესაბამისად ხობის მუნიციპალიტეტის მერიაში დამხმარე ამოცანების შესასრულებლად შრომითი ხელშეკრულებით გათვალისწინებულ პოზიციათა რაოდენობა შეადგენს 6 ერთეულს (საშტატო ნუსხის 139 ერთეულზე 5%-ის გაანგარიშებით - 6,95 ერთეული) და ექვსივე პოზიცია შევსებულია, საკითხის დადებითად გადაწყვეტის

მიზნით - ხობის მუნიციპალიტეტის მერს მერიაში დამხმარე ამოცანების შესასრულებლად შრომითი ხელშეკრულებით დასაქმებულ პირთა რიცხოვნობის შეზღუდვიდან გამონაკლისის დაშვებაზე ესაჭიროება ხობის მუნიციპალიტეტის საკრებულოს თანხმობა. ზემოთ აღწერილი გარემოებების გათვალისწინებით, ხობის მუნიციპალიტეტის მერიის ადმინისტრაციული სამსახურის მიერ მომზადდა ხობის მუნიციპალიტეტის საკრებულოს განკარგულების პროექტი „ხობის მუნიციპალიტეტის მერიაში დამხმარე ამოცანების შესასრულებლად შრომითი ხელშეკრულებით დასაქმებულ პირთა რიცხოვნობის შეზღუდვიდან გამონაკლისის დაშვებაზე ხობის მუნიციპალიტეტის მერისთვის თანხმობის მიცემის შესახებ“. გამომსვლელის განცხადებით, წარმოდგენილი განკარგულების პროექტი აკმაყოფილებს საქართველოში მოქმედ კანონმდებლობას და კომისიას მიზანშეწონილად მიაჩნია მისი წარმოდგენილი სახით გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ საკითხთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი განკარგულების პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 7, წინააღმდეგი - არც ერთი

დაადგინეს: წარმოდგენილი განკარგულების პროექტი შეტანილ იქნეს საკრებულოს სხდომის დღის წესრიგში

2. ხობის მუნიციპალიტეტის მერის გ. ქაჯაიას 2021 წლის 27 აგვისტოს N50-502123921 წერილის განხილვა („ხობის მუნიციპალიტეტის ადმინისტრაციულ ერთეულებად დაყოფის შესახებ“ ხობის მუნიციპალიტეტის საკრებულოს 2014 წლის 28 ივლისის №26 დადგენილებაში ცვლილების შეტანის თაობაზე“ დადგენილების პროექტის შესახებ)

(მომხსენებელი: თ. გულუა - ხობის მუნიციპალიტეტის საკრებულოს იურიდიულ საკითხთა კომისიის წევრი)

მოისმინეს: თ. გულუა - საკრებულოს იურიდიულ საკითხთა კომისიის წევრი - მომხსენებელმა ბიუროს წევრებს გააცნო დადგენილების პროექტი „ხობის მუნიციპალიტეტის ადმინისტრაციულ ერთეულებად დაყოფის შესახებ“ ხობის მუნიციპალიტეტის საკრებულოს 2014 წლის 28 ივლისის №26 დადგენილებაში ცვლილების შეტანის თაობაზე“ და საკრებულოს იურიდიულ საკითხთა კომისიის დასკვნა

წარმოდგენილ საკითხთან დაკავშირებით (ოქმს თან ერთვის) და აღნიშნა, რომ უკანასკნელი წლების განმავლობაში არაერთგზის გამოიკვეთა მუნიციპალიტეტის 2 ადმინისტრაციული ერთეულის გაყოფის აუცილებლობა, კერძოდ: გეოგრაფიული განლაგებისა და მოსახლეობის განსახლების - ადმინისტრაციული ერთეულების ცენტრების ცალკეული სოფლებიდან დაშორების გათვალისწინებით, მოსახლეობისთვის მუნიციპალური სერვისების ეფექტურად მიწოდებისთვის მეტად ხელსაყრელი და მიზანშეწონილია საჯიჯაოს და ქვემო ქვალონის ადმინისტრაციული ერთეულების დაყოფა 2-2 ადმინისტრაციულ ერთეულად. საჯიჯაოს ადმინისტრაციული ერთეული მოიცავს 4 დასახლებას, ესენია: სოფლები გაღმა საჯიჯაო, ზენი, ზუბი და ჯაბიშაქარი, რომელთაგან სოფელი გაღმა საჯიჯაო მიზანშეწონილია გამოეყოს საჯიჯაოს ადმინისტრაციულ ერთეულს და ჩამოყალიბდეს ცალკე ადმინისტრაციულ ერთეულად, გაღმა საჯიჯაოს ადმინისტრაციული ერთეულის დასახლებებით. ქვემო ქვალონის ადმინისტრაციული ერთეული მოიცავს 5 დასახლებას, ესენია: სოფლები გიმოზგონჯილი, ბულიში, დურდენა, გვიმარონი და ჭითაუშქური, რომელთაგან გვიმარონი და ჭითაუშქური მიზანშეწონილია გამოეყოს ქვემო ქვალონის ადმინისტრაციულ ერთეულს და ჩამოყალიბდეს შუა ქვალონის ადმინისტრაციულ ერთეულად, რაც ფაქტობრივად მოსახლეობაში ამ არეალისთვის ფართოდ გავრცელებულ დასახლებას წარმოადგენს. საქართველოს ორგანული კანონის „ადგილობრივი თვითმმართველობის კოდექსი“ მე-4 მუხლის მე-3 და მე-4 პუნქტების შესაბამისად, „მართვის ოპტიმიზაციისათვის მუნიციპალიტეტი შეიძლება დაიყოს ადმინისტრაციულ ერთეულებად, მუნიციპალიტეტის ადმინისტრაციული ერთეულის შექმნისა და გაუქმების შესახებ გადაწყვეტილებებს მუნიციპალიტეტის მერის ან მუნიციპალიტეტის საკრებულოს წევრთა არანაკლებ ერთი მესამედის წარდგინებით, სრული შემადგენლობის უმრავლესობით, დადგენილებით იღებს მუნიციპალიტეტის საკრებულო“. ორივე შემთხვევაში, გარდა ადგილობრივ დონეზე მართვის ოპტიმიზაციის მიზნით ადგილობრივი თვითმმართველობის ორგანოების მიერ მისაღები ზემოთ აღნიშნული გადაწყვეტილებისა, საჯიჯაოს და ქვემო ქვალონის ადმინისტრაციული ერთეულების ტერიტორიებზე დასახლებების მსგავსი პრინციპით გადანაწილების მოთხოვნა წლების განმავლობაში ადგილობრივი მოსახლეობის მოთხოვნასაც წარმოადგენდა. ზემოთ აღნიშნული მიზნებისთვის აუცილებელი გადაწყვეტილების მისაღებად, ხობის მუნიციპალიტეტის მერიის ადმინისტრაციული სამსახურის მიერ მომზადდა ხობის მუნიციპალიტეტის საკრებულოს დადგენილების პროექტი „ხობის მუნიციპალიტეტის ადმინისტრაციულ ერთეულებად დაყოფის შესახებ“ ხობის მუნიციპალიტეტის საკრებულოს 2014 წლის 28 ივლისის №26 დადგენილებაში ცვლილების შეტანის თაობაზე“, რომლის ამოქმედება

გათვალისწინებულია 2022 წლის 1 იანვრიდან. ხობის მუნიციპალიტეტის საკრებულოს მხრიდან დადგენილების პროექტის დამტკიცების შემთხვევაში, დადგენილების ძალაში შესვლამდე ხობის მუნიციპალიტეტის მერიის მიერ დაიგეგმება ახალი ადმინისტრაციული ერთეულების შექმნისთვის აუცილებელი საორგანიზაციო საკითხები, მათ შორის ადმინისტრაციული ერთეულის ცენტრების მოწყობის (მათ შორის ადმინისტრაციული შენობებისა და სხვა სახის კეთილმოწყობის სამუშაოებისთვის აუცილებელი ინფრასტრუქტურული პროექტების დაგეგმვა და განხორციელება), მერის წარმომადგენლობის ოპტიმალური რაოდენობის განსაზღვრისა და მათი მატერიალურ ტექნიკური აღჭურვის და სხვა სახის ღონისძიებებისთვის აუცილებელი თანხების განსაზღვრა, ადგილობრივ ბიუჯეტში გასათვალისწინებლად. გამომსვლელის განცხადებით, წარმოდგენილი დადგენილების პროექტი აკმაყოფილებს საქართველოში მოქმედ კანონმდებლობას და კომისიას მიზანშეწონილად მიაჩნია მისი წარმოდგენილი სახით გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი დადგენილების პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 7, წინააღმდეგი – არც ერთი

დაადგინეს: წარმოდგენილი დადგენილების პროექტი შეტანილ იქნეს საკრებულოს სხდომის დღის წესრიგში

დღის წესრიგით გათვალისწინებული საკითხების განხილვის შემდეგ ბიუროს სხდომა დახურულად გამოცხადდა.

სხდომის თავმჯდომარე



მამუკა ქარდავა